



Broj: 05-04-20-3148-3/23  
Maglaj, 20.11.2023. godine

Na osnovu člana 70. Zakona o javnim nabavkama („Službeni glasnik BiH“, br. 39/14 i 59/22) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponude, broj 05-04-20-3148-2/23 od 14.11.2022. godine, u postupku javne nabavke „Redovno održavanje i rekonstrukcija sistema javne rasvjete na području općine Maglaj“, Općinski načelnik donosi

## O D L U K U

o izboru najpovoljnijeg ponuđača

### I

Prihvata se preporuka komisije za javne nabavke i ugovor za izvođenje radova na redovnom održavanju i rekonstrukciji sistema javne rasvjete na području općine Maglaj dodjeljuje se Grupi ponuđaču „Kop i Ko“ d.o.o. Živinice, i „Elvik“ d.o.o. Srebrenik, gdje je nosilac zajedničke ponude „KOP I KO“ d.o.o. Živinice, u skladu sa ponudom broj KPK--59-11/23 od 08.11.2023. godine, po ukupnoj cijeni od **38.461,00 KM bez PDV-a, odnosno 44.999,37 KM sa PDV-om.**

### II

Ponuđač iz tačke I dužan je, u roku od pet dana od dana zaprimanja ove odluke, dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti izabrani ponuđač.

### III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

### IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

## O b r a z l o ž e n j e

Odlukom o pokretanju postupka, broj 05-04-20-3148/23 od 02.10.2023. godine, pokrenut je postupak javne nabavke „Redovno održavanje i rekonstrukcija sistema javne rasvjete na području općine Maglaj“, konkurentski postupak. Predmetna javna nabavka objavljena je na Portalu javnih nabavki, Obavještenje o nabavci broj 1140-7-3-109-3-62/23 od 02.1.2023. godine, čiji je sažetak objavljen u „Službenom glasniku BiH“, broj 69/23 i Ispravka Obavještenja o nabavci broj 1140-7-3-109-8-71/23 od 03.11.2023. godine čiji je sažetak objavljen u „Službenom glasniku BiH“, broj 78/23. Kriterij za dodjelu ugovora je ekonomski najpovoljnija ponuda.

Predmetni postupak je provela Komisija za javne nabavke, imenovana Odlukom broj 05-45-1-875/23 od 22.05.2023. godine. U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila sljedeće:

Blagovremeno su zaprimljene dvije ponude. Neblagovremenih ponuda nije bilo.

Oba ponuđača ispunjavaju uslove za kvalifikaciju, utvrđene tenderskom dokumentacijom za predmetni postupak.

Ponuda Grupi ponuđaču „Kop i Ko“ d.o.o. Živinice, i „Elvik“ d.o.o. Srebrenik, ocijenjena je prihvatljivom, budući da ispunjava zahtjeve u pogledu forme, predmeta nabavke i ostale uslove tražene tenderskom dokumentacijom.

Ponuda ponuđača „SAŠA-TRADE“ d.o.o. Doboj ocijenjena je neprihvatljivom, budući da ne ispunjava uslove iz tenderske dokumentacije koji se odnose na predmet nabavke i tehničku specifikaciju. Kako je Komisija konstatovala u Zapisniku o pregledu i ocjeni ponuda, propusti se ogledaju u sljedećem:

a) Tenderskom dokumentacijom Anex 2 Obrazac za cijenu ponude stav (2) kod LED Corn sijalice tražena je tehnička specifikacija i atesti, isti nisu dostavljeni, što ne zadovoljava zahtjeve tenderske dokumentacije.

b) Nominalni svjetlosni tok LED svjetiljki u dostavljenoj tehničkoj specifikaciji ne odgovara traženim karakteristikama navedenim u Aneksu 2 Obrazac za cijenu ponude,

c) Tenderskom dokumentacijom stavka 24. - kod LED svjetiljke antivandal tražena je tehnička specifikacija i atesti, isti nisu dostavljeni,

d) Za ponuđeni model LED svjetiljki potrebno je bilo dostaviti uzorak uz ponudu radi provjere tehničkih karakteristika ponuđene svjetiljke ( ukoliko je ponuđen isti model različitih snaga, potrebno je dostaviti jedan uzorak) – dostavljen je uzorak za svjetiljke 30 W i 50 W a nije dostavljen uzorak za svjetiljke 20 W i 80 W, što ne zadovoljava zahtjeve tenderske dokumentacije.

Imajući u vidu naprijed navedene razloge, ponuda ponuđača „Saša - Trade“ d.o.o. Doboj je odbijena.

Posljedično, preostala je samo jedna prihvatljiva ponuda – ponuda grupe ponuđača „KOP I KO“ d.o.o. Živinice i „Elvik“ d.o.o. Srebrenik, te je Komisija dala prijedlog rukovodiocu ugovornog organa da sa navedenim ponuđačem zaključi ugovor, cijeneći da isti ispunjava sve uslove tražene tenderskom dokumentacijom, da dostavljena ponuda formom i sadržajem odgovara zahtjevima iz tenderske dokumentacije, kao i činjenicu da ponuđena cijena nije viša od procijenjene vrijednosti, tj. osiguranih sredstava za ovu nabavku.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, a imajući u vidu navedeno, kao i činjenicu da je kriterij za dodjelu ugovora u predmetnom postupku ekonomski najpovoljnija ponuda, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, u roku od 5 (pet) dana od dana prijema Odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK  
Mirsad Mahmutagić

